

Broj: 01-02-3-1947/17

Sarajevo, 15.03.2018. godine

Z A P I S N I K 22. VANREDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 21.11.2017.

Sjednica je počela u 11.12 sati.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Marin Barbarić, Vjekoslav Bakula i Ljuban Herceg.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prije nego se krenulo sa radom, Damir Mašić podjestio je da su klubovi zastupnika SDP i DF skupili kvalifikovan broj potpisa za održavane sjednica koje se tiču boračke populacije i pitanja obrazovanja. Uslijedila je rasprava u kojoj su učestvovali: Edin Mušić i Ismet Osmanović.

Za riječ se javio potpredsjednik Federacije BiH Milan Dunović i zatražio da se sa dnevnog reda povuče tačka 8. – Prijedlog Zakona o stečaju. Uslijedila je rasprava u kojoj su učestvovali: Ismet Osmanović, potpredsjednik Milan Dunović, Ilhan Bušatlić, Azra Hadžiahmetović i Mahir Mešalić.

Prijedlog popredsjednika Dunovića da se sa dnevnog reda povuče tačka 8. Prijedlog Zakona o stečaju usvojena je, na osnovu pojedinačnog izjašnjenja, sa 50 glasova za, 39 glasova protiv i bez uzdržanih glasova.

Prijedlog zastupnice Azre Hadžiahmetović da se tačka 7. Prijedlog Zakona o izmjenama i dopunama Zakona o transplantaciji organa i tkiva u svrhu liječenja razmatra kao 1. tačka dnevnog reda, usvojen je sa 72 glasa za, dva glasa protiv i bez uzdržanih glasova.

Prešlo se na izjašnjenje o hitnosti postupka.

Prijedlog Vlade da se Prijedlog Zakona o penzijskom i invalidskom osiguranju razmatra po hitnom postupku, na osnovu pojedinačnog izjašnjenja nije usvojen (39 glasova za, 36 glasova protiv i uz 14 uzdržanih glasova).

Ismet Osmanović, u ime Kluba zastupnika SDA, zatražio je pauzu od pola sata.

Nakon pauze, uslijedila je rasprava u kojoj su učestvovali: Ismet Osmanović, premijer Fadil Novalić, Munib Jusufović, Nasir Beganović, Dženan Đonlagić, Elvir Karajbić, Dževad Agić, Salmir Kaplan, Damir Mašić, Safet Kešo, Ilhan Bušatlić, Jasna Duraković-Hadžiomerović, Nasir Beganović i Salem Halilović.

Predsjedavajući Mušić dao je pauzu od pola sata.

Nakon pauze nastavljena je rasprava u kojoj su učestvovali: Refik Hankić, Faruk Ćupina, Dževad Adžem i Damir Mašić.

Predsjedavajući je pozvao zastupnike da se izjasne o prijedlogu Vlade Federacije BiH da se Prijedlog Zakona o izmjenama i dopunama Zakona o visni stope zatezne kamate na javne prihode razmatra po hitnom postupku, a što pojedinačnim izjašnjenjem nije usvojeno (41 glas za, 24 glasa protiv i uz 16 uzdržanih glasova).

Prijedlog Vlade Federacije BiH da se Prijedlog Zakona o izmjeni i dopunama Zakona o federalnim upravnim taksama i tarifi federalnih upravnih taksi razmatra po hitnom postupku, usvojen je sa 57 glasova za, 22 glasa protiv i uz dva uzdržana glasa.

Sa 55 glasova za, 12 glasova protiv i uz sedam uzdržanih glasova, usvojen je sljedeći:

DNEVNI RED

1. Prijedlog Zakona o izmjenama i dopunama Zakona o transplantaciji organa i tkiva u svrhu liječenja,
2. Prijedlog Zakona o izmjeni i dopunama Zakona o federalnim upravnim taksama i tarifi federalnih upravnih taksi – hitni postupak,
3. Prijedlog Zakona o izmjeni Zakona o finansijskoj konsolidaciji privrednih društava u Federaciji BiH – skraćeni postupak,
4. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
5. Prijedlog Zakona o izmjeni Zakona o matičnim knjigama – skraćeni postupak.

1. Prijedlog Zakona o izmjenama i dopunama Zakona o transplantaciji organa i tkiva u svrhu liječenja,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je Snježana Bodnaruk.

U ime Odbora za zdravstvo obrazlagao je Tarik Arapčić.

Na Prijedlog Zakona amandman je podnio zastupnik Dennis Gratz.

U raspravi su učestvovali: Nasir Beganović, Ismet Osmanović, Dženan Đonlagić, Mahir Mešalić, Elvir Karajbić, Oliver Radoš, Amra Haračić, Ibrahim Šišić, Anela Šestić-Begović i Zdravko Kuzman.

Budući da zastupnik Gratz nije bio prisutan u sali, a Vlada nije prihvatila njegov amandman, zastupnici se o njemu nisu izjašnjavali.

Sa 77 glasova za, bez glasova protiv i bez uzdržanih glasova, usvojen je Prijedlog Zakona o izmjenama i dopunama Zakona o transplantaciji organa i tkiva u svrhu liječenja.

Zastupnica Amra Haračić predložila je inicijativu o kojoj su se zastupnici izjašnjavali.

Sa 70 glasova za, bez glasova protiv i bez uzdržanih glasova, usvojena je sljedeća:

INICIJATIVA

Prema Ministarstvu civilnih poslova BiH, kako bi u skladu sa svojim ovlastima pokrenuli aktivnosti na državnom nivou, s ciljem stvaranja uvjeta za priključenje BiH Eurotransplantu, obzirom da član Eurotransplanta može biti samo država Bosna i Hercegovina.

2. Prijedlog Zakona o izmjeni i dopunama Zakona o federalnim upravnim taksama i tarifi federalnih upravnih taksi – hitni postupak,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi niko nije učestvovao.

Sa 51 glasom za, 11 glasova protiv i uz dva uzdržana glasa, usvojen je Prijedlog Zakona o izmjeni i dopunama Zakona o federalnim upravnim taksama i tarifi federalnih upravnih taksi.

3. Prijedlog Zakona o izmjeni Zakona o finansijskoj konsolidaciji privrednih društava u Federaciji BiH – skraćeni postupak

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, što je, sa 52 glasa za, bez glasova protiv i uz tri uzdržana glasa, usvojeno.

Na ovaj Prijedlog Zakona jedan amandman podnio je zastupnik Gratz. Budući da nije bio prisutan u sali, o ovom amandmanu se nije izjašnjavao.

Sa 53 glasa za, dva glasa protiv i uz sedam uzdržanih glasova, usvojen je Prijedlog Zakona o izmjeni Zakona o finansijskoj konsolidaciji privrednih društava u Federaciji BiH.

4. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, što je, sa 59 glasova za, pet glasova protiv i uz tri uzdržana glasa, usvojeno.

U raspravi niko nije učestvovao.

Sa 59 glasova za, tri glasa protiv i uz četiri uzdržana glasa, usvojen je Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

5. Prijedlog Zakona o izmjeni Zakona o matičnim knjigama – skraćeni postupak.

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, što je, sa 51 glasom za, 13 glasova protiv i uz 11 uzdržana glasa, usvojeno.

Na ovaj Prijedlog Zakona jedan amandman podnio je zastupnik Gratz. Budući da nije bio prisutan u sali, o ovom amandmanu se nije izjašnjavao.

U raspravi niko nije učestvovao.

Na osnovu pojedinačnog izjašnjanja, sa 42 glasa za, 15 glasova protiv i uz 16 uzdržanih glasova nije usvojen Prijedlog Zakona o izmjeni Zakona o matičnim knjigama.

Predsjedavajući je zaključio rad 22. vanredne sjednice u 17.19.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić